

## Transkription von Stadtbucheintrag SWN 1445b

Ort, Datierung: Schwerin, 1444-12-19

Signatur: Stadtarchiv Schwerin, Ältestes Stadtverlaßbuch, Abt. 11, Nr. 11743, fol. 26b

Inhalt: Hans Beneken: Schuldurkunde; Schonenbeke: Schuldurkunde; Clawes Kok: Schuldurkunde; Hermen Heyneken: Verpfändung; Monnecke Enghelkesche: Erbrecht; Alberd Alberdes: Verfügung; Bebow: Schuldurkunde; Peter Grabow: Schuldurkunde; Bullenkop: Schuldurkunde; Stoffroghen: Schuldurkunde

Bemerkung: Beinhaltet 1444-12-19 sowie 1444-12-21

---

Ite(m) Hans beneken is schuldich Arnd Haken teyn lub(esche) m(a)rk dar schal he em vor geue(n) / to re(n)the vppe alle wynachte(n) ene m(a)rk Settet ? em to bewari(n)ge sin hus dar he y(n)ne / wonet neghest vor scriffte(n) sc(ri)pt(um) ut sup(ra) <sup>1</sup>

Ite(m) Schone(n)beke is schuldich Helmeld Collenschen hu(n)dert lub(esche) m(a)rk dar schal he er vor(e) / gheue(n) to re(n)the alle jar to su(n)te Michaelis <sup>2</sup> Joh(an)is daghe Sos<sup>3</sup> Souen lub(esche) m(a)rk Settet er dar vor(e) to be/wari(n)ge syn hus dar he i(n)ne wonet in der ersten scriff myt syn(en) tobehori(n)ge sig(na)t(um) vt p(roxim)<sup>e</sup> sup(ra) / <sup>4</sup>

Ite(m) Clawes Kok is schuldich Merten willem(e) vijf lub(esche) m(a)rk dar settet he em vor(e) to / bewari(n)ge syn hus neghest vorscriften dar schal he vor to re(n)the afslan achte schilli(n)g(e) / vnd(e) schal em men dre mark gheue(n) to hure vor syne bode dar he i(n)ne wonet vnd(e) / nu(m)me(n)t schal ene de wile de de vijf m(a)rk vnd(e) hefft vte der boden huren vn(de) wener / m(er)ten syn ghelt wil wedder hebbe(n) offte Clawes dat wedd(er) vtgheue(n) wil schal erer ey(n) / dem(e) andere(n) ey(n) veerndel Jares tovor(e)n tosegghe(n) Sc(ri)pt(um) a(n)no quo sup(ra) sabb(a)to an(e) thome / <sup>5</sup>

Ite(m) Hermen Heyneken heft gesettet syn hus dat he van Hans Swarten koft heft / to bewaringe Jacob van Sa(n)nem Hans spiseleggchelen Hans fackela(m)ghen vnd(e) / Hans Heyneken synem(e) vad(ere) vor dat loffte dat se vor em lauuet hebben deme / sulue(n) hans swarten vor lxij m(a)rk signat(um) ip(s)o die tho(m)e a(n)no vt sup(ra) / <sup>6</sup>

It(em) Beke(n)ne wȳ dat Mo(n)nekesche hefft gegheuen vnsem(e) Borg(er)mester(e) Hinr(ik) / Rickma(n)ne eren spiker dar se Inne wonet na erem(e) dode vn(de) hefft / syk tor tyd alse se leuet de ere wani(n)ge dar Inne beholden vnde / Mo(n)neke Enghelkeschen dar Ieghen gheuen ene(n) morghen ackers belegghen / a(m)me Radelande Signat(um) a(n)no d(o)m(ini) Mccccxlv<sup>to</sup> apo(stole) die Jo(annis) e(t) paul / <sup>7</sup>

It(em) Beke(n)ne wy dat Alberd alberd(es) dat he hefft ghande ene dore in / Kopeke Heynen schune des he em ge he ghund hefft vnd(e) wen he / em des nicht lenek ghu(n)nen wyll so schal he em de dore wedder to / maken vt / <sup>8</sup>

It(em) Bebow is schuldich Curd Koneken viij m(a)rk dare settet he em vor to / Bewaringe ene(n) morghen Ackers by dem(e) groten Broke des schal <sup>9</sup> ackers / schal he syk bruken veer Jare myt syne(m)

messeney were dat he des / Ackers de(n)ne nicht en losende so mach Curd den Ackere wedder /  
messen vnd(e) den mess vtbuwen vnd(e) sijk des bruken(en) vt sig(na)t(um) /

It(em) Peter grabow is schuldich Hans wickendorpe teyn lub(esche) m(a)rk dar settet / he em vor(e) to  
bewaringe ene(n) morghen Ackers belegghen in dem(e) kabele(n)dale / vnd(e) schal de messen vnd(e)  
synen mes vtbuwen so vake alse he ene messet / Signat(um) a(n)no xlv<sup>to</sup> seq(uen)ti die  
(con)ception(is) ? / <sup>10</sup>

It(em) Bullenkop is schuldich Hinrik Swarten twelf lub(esche) m(a)rk dar settet hee em / vor ene  
morghen ackers beleghe(n) by dem(e) groten broke den acker schal he / Buwen myt veer saden we(ret)  
dat he eme vurder messet so schal he / syne(n) mes vtbuwen Signat(um) vt p(ro)xi(m)e sup(ra) /<sup>11</sup>

It(em) wy beke(n)nen dat Stoffroghen is schuldich Ghereke Ghe(m)melyne schuldich <sup>12</sup> / vefftich  
lub(esche) m(a)rk dar schal he em vor gheue(n) veer m(a)rk renthe alle Jar / vppe Su(n)te Michaelis  
dach dar settet he em vor(e) syn hus dar he Inne / wonet myt syn(en) tobehoringe in der ersten scriff  
vnd(e) dat tosegghent / schal wesen van beyden sijden eyn veerndel Jares to vor(e)n Sig(na)tu(m) / vt  
p(ro)xi(m)e supra<sup>13</sup>

---

<sup>1</sup> Abschnitt im Original insgesamt durchgestrichen

<sup>2</sup> Michaelis im Original durchgestrichen und durch Joh(an)is über der Zeile ersetzt

<sup>3</sup> Sos im Original durchgestrichen und durch Souen über der Zeile ersetzt

<sup>4</sup> Abschnitt im Original insgesamt durchgestrichen

<sup>5</sup> 1444-12-19

<sup>6</sup> 1444-12-21

<sup>7</sup> 1445-06-26

<sup>8</sup> Abschnitt im Original insgesamt durchgestrichen

<sup>9</sup> schal im Original durchgestrichen

<sup>10</sup> 1445-12-08 ?

<sup>11</sup> Abschnitt im Original insgesamt durchgestrichen, 1445-12-08 ?

<sup>12</sup> schuldich im Original durchgestrichen

<sup>13</sup> Abschnitt im Original insgesamt durchgestrichen. 1445-12-08 ?